

乾

象

通

鑑

乾象通鑑卷第八十六

河間府免解進士臣李孝奉

聖旨編

北方雜座統論上

繫星論

狗星論

織女星論

浙臺論

輦道論

天弁論

建星論

天淵論

天鷄論

狗國論

河鼓論

左右旗論

天桴論

九坎論

天田論

羅偃論

匏瓜論

鰲星論

鰲星統占

月五星犯鰲星

客星犯鰲星

彗孛犯鰲星

流星犯鰲星

雲氣犯鰲星

鰲星統占

天文別錄曰鰲星十四星在南斗南共北頭星入斗

二度司大水兩吻亦曰主水蟲

石中占曰鰲十四星赤在南斗南主水蟲星不居漢中則水災客守火災爲白衣會爲兵水守水災火守火災

天文志曰鰲十四星在南斗南鰲爲水蟲屬太陰有星守之爲白衣會主有水

陳卓叙星占曰鰲星主水蟲星不欲明明則有水患河防決星居漢中則吉星不居漢則百川溢亦曰河決川溢

京房外傳曰鰲十四星星坼則爲白衣會星亡則暴兵起星移不聯屬則水陷城邑

海中占曰鯨星北頭一星入南斗星與南斗並明則  
天下大水傷禾稼糴貴

星讚曰鯨星就聚南斗中其國有水惟出期百日暴  
水主河防決傷人民毀城邑糴貴民饑

一行游儀後論曰鯨星失位移徙則河防失備百川  
盈溢水惟見電在陸期二百日大雨爲患

月五星犯鯨星

感精符曰月暈鯨期三日有雨雨過十日不解大水患  
廣古今占曰月犯鯨星有大雨期百日本有水災

邾萌曰歲星犯鯨星有芒角則不有水患必有急兵

亦曰驚星出怒角則爲白衣會

夏氏占曰焚惑犯驚星則有急兵亦曰犯星陽有大災犯星陰有水患

客星犯驚星

京房易祿占曰客星犯驚星則有大災亦曰有白衣會高宗占曰客星凌奄有芒角河防溢百川次天下大水傷禾稼壞城邑

廣古今占曰客星光芒奄驚星則暴水至

荆州占曰客星光芒奄驚星則急兵至亦曰不有殺將必有敗兵

彗孛犯彗星

天文總論曰彗本出彗星則其下有屠城亦曰彗星  
出彗其下有亡國

司馬彪曰彗出彗星中光芒侵南斗其國有破軍亦  
曰除舊寘新王者惡之

京房易祿占曰星孛彗星其下有白末之會亦曰有  
兵大暴起人君惡之

荊州占曰星孛出彗星孛孛然若大狀奄犯南斗其  
國有死君不然更立王亦曰有自立諸侯

流星犯彗星

通天占曰流星奄犯驚星則有水患亦曰外寇入境  
感精符曰流星凌犯驚星光奄星不見其國有夷狄  
兵入境

天文別錄曰流星出驚星爲雨水傷禾稼亦曰河決  
川溢

司馬彪曰流星奄驚星則急兵至亦曰兵內叛

雲氣犯驚星

天文錄曰有蒼白氣犯驚星則有水患有青氣奄驚  
星水恠出有赤氣奄驚星有大災亦曰旱有黑氣  
奄驚星則有大水暴至

廣古今占曰有白氣犯鰲星則有急兵亦主賊兵有  
青氣犯鰲星則有水惟在陸亦曰水惟自天降亦  
曰龍鬣出平地有赤氣環繞鰲星則有急兵火有  
黑雲閉鰲星不見則百川潰決

狗星論

狗星統占

月五星犯狗星

客星犯狗星

彗孛犯狗星

流星犯狗星

雲氣犯狗星

狗星統占

天文別錄曰狗二星在南斗魁東其西星入斗六度

主捍禦居常吉

甘德占曰狗二星在南斗西主守禦星明則爲常星  
暗則爲變居常則吉遇變則凶

天文別錄曰狗二星在南斗魁前主吠守又曰狗一  
星在天池西北

廣古今占曰狗二星近南斗魁主守禦亦曰捍難驚  
捕星明則吉星暗則防拓失備星亡則暴客至亦  
曰外寇入內星徙則有急兵

感精符曰狗星移則捍禦失備內有變

一行游儀後論曰狗星坼則國有震外寇入境亦曰

擊拆失備

陳卓叙占曰狗星俱亡則闕市有實亦曰國有內患  
大象旁通占曰狗星坼則國有蕭牆之憂亦曰王者  
有內實

高宗占曰狗亡一星則關梁失守

郝萌占曰狗星俱暗則國有奪也

海中占曰狗星躔聚南斗魁中則大臣諸侯有受兵  
者亦主外寇內侵有革命之象亦曰不有死君必  
有更王

月五星犯狗星

天文別錄曰月犯狗星則將相誅戮月暈狗星周南  
斗則國易王

天文總論曰歲星犯狗星有怒角則失名人無怒角  
則得名人

大象旁通占曰熒惑犯狗星成鈞已則正法不行內  
失防禦亦曰關梁不通

陶隱居占曰太白環繞犯狗星則其下有拔城亦曰  
有屠城

武審曰辰星逆犯狗星有怒角則國失守禦外寇內  
侮亦曰有革命王亦曰有自立諸侯亦主大臣擅

天子權

客星犯狗星

天文別錄曰客星乘陵狗星不去而復來則王者內失禦捍暴客入禁中亦曰王者有憂

武密曰客星逆犯狗星有怒角怒角則關梁失守外侮不禦

陳卓叙占曰客星逆犯狗星乘之不去及百日者天子有內憂

孫氏瑞應圖曰客星乘狗星中光芒東西指星奄狗星光不明者其國有外患

彗孛犯狗星

天文別錄曰彗孛犯狗星則外兵作亂內寇不消光  
芒及尋丈則內有侵陵之患

陳卓叙占曰彗本出狗星中光芒滅星則其下大戰  
援城亦內失關禁

武審曰星孛于狗星中其國有外寇至亦曰外侮不  
消強暴者作

夏氏占曰彗本入狗星中則芒角怒甚炆若火炬奄  
狗星上侵南斗魁者則王者惡之亦曰蕭牆有實

流星犯狗星

天文別錄曰流星抵觸狗星其野有急兵亦曰軍覆  
將死若流星色黃則殃淺餘色皆凶

陳卓叙占曰流星貫狗星外寇入塞亦曰外夷內侵  
色青白有陷城又曰有屠城

古今星釋曰流星奄狗星主夷狄無君亦曰外夷內  
變若星流而隆隆有聲如雷者外夷自相殘殺骨  
肉自誅其國有君亦曰狄國有篡弑之禍

雲氣犯狗星

天文別錄曰有白氣奄狗星其野兵暴至亦曰內患  
天文總論曰有赤氣環繞狗星其國武庫有大災

武審曰有黃氣奄狗星則有名人出境不爲天子用  
有青氣閉狗星則外寇內侵主兵不利

婁氏占曰有黑氣奄狗星則內禁不防失守禦亦主  
王者有內憂

織女星論

織女星統占

月五星犯織女

客星犯織女

彗孛犯織女

流星犯織女

雲氣犯織女

織女星統占

天文別錄曰織女三星在天市垣東北其大星入南

斗十一度主珍寶絲帛亦曰主女功

石申占曰織女三星赤在天紀東天女象主米寶菜  
瓜絲帛珍寶三星俱明則王者至孝通神明微暗  
則女功廢大星有芒角而怒則布帛貴

天文志曰織女三星在天紀東端天女也主果瓜絲  
帛珍寶也王者至孝祖考咸喜則織女星俱明大  
星有怒角則布帛貴

武審曰織女星明則王者孝德通神明天下女功有  
喜亦曰布帛賤星暗則女功廢絲帛珍寶不爲國

珍

陳卓叙占曰織女星三星乃天女星主女功亦曰女主  
象星明則吉暗則凶

夏氏占曰織女星移徙則天下布帛湧貴星亡則珍  
寶爲盜賊所掠亦曰庫藏有災

乙巳略例占曰織女星徙有怒角指天市垣其野有  
絲帛內憂女功不修之患國多匱乏人民竊困盜  
賊多有

廣古今占曰織女星亡中星旁兩星明大有芒角則  
女主有憂亦曰主女主干政外戚擅權

月五星犯織女

天文別錄曰月暈織女其國有內憂亦主女功不緝  
天文總論曰月逆犯織女星則女功廢淫風行亦曰  
博道不修

大彖通占曰歲星逆犯織女則珠玉不爲國寶人各  
惡之

陳卓叙占曰彗或犯織女則內政不修文多妬忌亦  
曰禁庭美女相毒

廣古今占曰太白逆犯織女則布帛湧貴

一行游儀後論曰辰星逆犯織女則女功不緝亦曰  
布帛貴

客星犯織女

天文別錄曰客星犯織女星有芒角則絲綿貴亦曰  
內治不修

天文總論曰客星犯織女光奄星亡者其女主有憂  
陳卓叙星占曰客星乘織女不去去而復來未及百  
日者皇后有憂亦主有女喪

武密曰客星乘織女有光芒四出則天下火布帛之物  
彗孛化織女

天文別錄曰彗出織女則女主干政亦曰外戚擅權  
天文總論曰星孛織女則女主有憂

武密曰彗出織女是謂有變女主革面

陳卓叙星占曰彗出織女炆若大炬及尋丈倭犯南斗或天紀則女主有災

漢孝武帝建元三年四月有星孛于織女占曰織女有變則女主有變至四年十月陳皇后廢

流星犯織女

天文別錄曰流星抵觸織女則女主有變亦曰女主有災

武密曰流星大如椀起自織女則女主有變亦曰不有愛妃必有死君

陳卓叙星占曰流星大如椀抵織女則女主干時政  
亦曰天下女功不修

後漢孝明帝永平七年正月戊子流星大如椀從織  
女西行光照地織女天之真女流星出之女主憂  
其月癸卯光烈皇后崩

雲氣犯織女

天文別錄曰有白氣圍繞織女則女不事絲枲

音洗  
每有

子亦曰國多游女有青氣則女功廢布貴有赤氣

犯織女則國多不逞之女不事蠶桑不務絲枲有  
黑氣環繞女則悻惰不修淫風大行亦曰女妬忌

漸臺星論

漸臺統占

月五星犯漸臺

客星犯漸臺

彗孛犯漸臺

流星犯漸臺

雲氣犯漸臺

漸臺統占

天文別錄曰漸臺四星在織女東南其西星入斗一十四度半

廿氏占曰漸臺四星黑在織女東南主吞漏星明則陰陽調和律呂聲正

天文志曰織女東足四星曰漸臺臨水之臺也主吞

漏律呂之事

古今星釋曰漸臺星在織女東南主晷漏時刻陰陽律呂之事星明潤則陰陽和四時序星暗則又是星直列則陰陽有愆伏之患星踈圻則民病疾疫四星俱亡則雨暘不時國大饑民死如麻

月五星犯漸臺

天文別錄曰月逆行犯漸臺主五行倒置四時失序疾疫傷民月暈漸臺期五日有急雨不然歲大旱

古今星釋曰歲順守漸臺陰陽和百穀順成歲豐糴賤焚惑犯漸臺其野大旱赤地千里白骨籍籍辰

星逆守漸臺天下大水百川暴溢禾稼傷人民死  
太白經天守漸臺兵出不以律天下亂

客星犯漸臺

天文別錄曰客星犯漸臺其國大臣無變理功若色  
白如粉絮五穀不熟大饑

古今星釋曰客星抵漸臺大如枉其國四時序大饑  
民死

彗孛犯漸臺

天文別錄曰彗星犯漸臺其國變理者坐法一曰大  
臣惡之

古今星釋曰星字于漸臺主人君不畏天命以致亡國十曰國將禘祀則星字漸臺

流星犯漸臺

天文別錄曰流星犯漸臺星其野大饑百姓流亡一曰陰陽失序國饑民死

古今星釋曰流星抵觸漸臺星變理者被斥逐一曰貴相失職

雲氣犯漸臺

天文別錄曰黃雲氣如飛鳥遊漸臺傍其野得賢相論道經邦變理陰陽人君端拱而已黑雲氣如獸

狀奔漸臺上主陰伏久雨百川漲溢傷禾糴貴白  
雲氣出入漸臺其國有暴死貴人

輦道星論

輦道統占

月五星犯輦道

客星犯輦道

彗孛犯輦道

流星犯輦道

雲氣犯輦道

輦道統占

天文列錄曰輦道五星在織女東其西北星入斗一  
十七度主王者遊嬉之道

廿德占曰輦道五星黑在織女東天子遊嬉之道占

曰大守則御路中兵起大戰

天文志曰織女西之五星曰輦道王者遊嬉之道也  
漢輦道通南北宮其象也

古今星釋曰輦道星在織女東主天子遊嬉別宮之  
道也星明潤則宮闕無震星暗及一星亡主輦道  
不通宮中有兵起一曰有內亂

大彖旁通曰輦道星乃王者之別道也是天子遊嬉  
燕樂往來之路也星昧圻則法駕有驚憂星就聚  
則人君荒淫移徙則天子禁廷有兵變

陳卓叙星占曰輦道星本色出角則天子無出宮主

天街有匿謀星光浮而數動搖則車駕出入不節

月五星犯輦道

天文別錄曰月逆犯輦道主別宮有急兵起一日大人有憂亦曰鑿攀有恐

古今星釋曰熒惑犯輦道天子遊嬉耽樂不務國政將棄祀太白犯輦道天子荒淫娛樂以敗國一曰兵起禁廷爲亂天子憂兵火

客星犯輦道

天文別錄曰客星犯輦道主刺客入禁廷大人當之一曰外姦通內謀

古今星釋曰客星大如椀守輦道五十日不下主天子禁闕有兵起

彗孛犯輦道

天文別錄曰彗星掃輦道主御路兵起一曰大人惡之若彗尾拂輦道大人有憂

古今星釋曰星孛于輦道則其國車騎滿野國以兵亡一曰君以兵死

流星犯輦道

天文別錄曰流星犯輦道其國人君憂兵一曰外兵

入寇

古今星釋曰流星出輦道天子遊娛出入不時淫風  
行失民心國祿棄

雲氣犯輦道

天文別錄曰黑雲氣入輦道外國起兵以寇中土一  
曰中原失地則黑氣奄輦道白雲氣如鈞戟犯輦  
道則關津不通盜賊投路青赤氣如猛獸犯輦道  
王者慎出宮防陰謀之臣

天弁星論

天弁星統占

客星犯天弁

彗孛犯天弁

流星犯天弁

雲氣犯天弁

天弁星統占

天文別錄曰天弁九星在建星北其中夾入斗四度  
主天市糶糶米斛責賤

石申曰天弁九星在建星北主天市星明則吉暗則  
凶彗出國起兵糶且暴貴

天文志曰天弁九星在建星北市官之長也主列肆  
闕闕若市籍之事以知市珍也星欲明吉彗星犯  
之糶責亦曰囚徒起兵

古今星釋曰天弁星在建星北主天市之有無也星

明潤則商賈通百物賤星直列犯建之天庫其國  
糴貴民饑兵起星移徙其國徙都市一曰闕闕無  
人星疎圻則其野民流亡貨易不通星就聚則都  
市有兵起亦曰囚徒爲亂

大象旁通曰天弁星在建星北主市官之長亦曰主  
列肆闕闕所在星明則商賈來星暗則商賈不至  
若星光浮而動搖其國糴大貴人民饑餓若一星  
亡則百物貴三星亡則物貴十倍九星俱亡闕闕

作个空百姓流亡列肆無商賈

客星犯天弁

天文別錄曰客星干犯天井星主商賈不行道路梗塞列肆空虛

古今星釋曰客星抵天井星主外商懷姙入都市

謂外  
之商族

若色白如粉絮則奸謀成人君有憂

大彗旁通曰客星出天井主富商去國百姓流離列肆闐闐如無人之境

彗孛犯天井

天文別錄曰彗孛干犯天井星共野糴貴亦曰囚徒起兵爲亂若光芒可尋丈所共圍市無人一曰國亡君市無人

古今星釋曰星孛于天井主商掠爲盜嘯聚掠郡邑  
一曰市肆起兵爲盜

大象旁通曰彗星尾掃天井其國空都市一曰囚徒  
爲亂以毒良民

流星犯天井

天文別錄曰流星干犯天井主外國大賈入境色黃  
主有懷奇珍色白隱然有聲如雷其賈懷匿謀以  
伺國事

古今星釋曰流星干犯天井抵觸之其國列肆無行  
人一曰有大災

大彖旁通曰流星出天弁降陰有聲主大商去國市  
一曰百姓流亡糴貴民饑死

雲氣犯天弁

天文別錄曰黑雲氣如人捧天弁星其國列肆有大  
水黃雲氣如飛鳥集于天弁其國多奇貨一曰國  
大富青雲氣如獸狀其野大荒歉民饑赤雲氣如  
火燒天弁其國大旱赤地千里糴貴死人如亂麻  
白雲氣如劍戟兵器之類主列肆有急兵

建星論

建星統占

月犯建星

月暈建星

歲星犯建星

熒惑犯建星

鎮星犯建星

太白犯建星

辰星犯建星

客星犯建星

彗孛犯建星

流星犯建星

雲氣犯建星

建星統占

天文別錄曰建星六星在南斗魁東北其西第一星入斗然斗建之間三光道也

石中占曰建星六星赤在斗柄北天都間七曜之道星動則民勞

天文志曰建星六星在南斗北亦曰天旗天之都關也爲謀事爲天鼓爲天馬南二星天庫也中央二星市也鈇鎖上二星旗跗也斗建之間三光道也星動則人勞月五星犯之大臣相譖臣謀主亦爲闕梁不通有大水

古今星釋曰建星六星在南斗柄北斗建之間乃七曜經行之道此其所以爲天之都關也一曰天旗故鈇鎖上二星爲旗跗者亦是意也星明潤光澤君臣和天下治建星暗則朝廷無紀綱禮樂征伐不自天子出建星動搖則天下民勞建星踈坼不

依常度主大臣竊君柄星就聚天子失勢姦臣爲  
朋黨若移徙或聚入南斗主大臣借竊爲亂

月犯建星

天文別錄曰月逆犯建星主大臣相戕一曰謀臣坐法  
古今星釋曰月失行度犯建星占曰兵起一曰大臣  
當之

魏元帝景元二年二月月犯建星按占曰五星犯建  
星大臣相譖是後鍾會鄧艾破蜀會譖艾

晉孝武帝寧康三年九月戊子月犯建星五年石季  
龍大寇沔南於是內外戒嚴

晉安帝義熙二年八月丁巳月犯建星占曰爲兵是  
年二月甲戌司馬璠等攻沒弋陽又慕容超侵掠  
徐兖

月暈建星

天文列錄曰月暈建星再重內黃外青主國有疆臣  
以侵主柄若月暈三重內黑外青其國有女喪若  
月暈五重內青赤外黑其國有急兵月暈七重內  
蒼白外赤黃榜有黑雲氣往來奄覆其國有更王  
一曰有兵喪大人當之

天文志曰月暈建星則蛟龍凡牛馬疫若內白外赤

人民災

歲星犯建星

天文別錄曰歲星干犯建星主大臣有叛謀一曰臣不臣又曰大臣惡之

古今星釋曰歲星奄建星主外郡有反臣內外交兵一曰大臣有陰謀

梁武帝大同三年三月乙丑歲星奄建星占曰有反臣其年會稽山賊起七年州刺史李賁舉兵反

熒惑犯建星

天文別錄曰熒惑犯建星主朝廷大臣懷奸以謀上

一曰下謀上

古今星釋曰熒惑干犯建星主臣下有離心若成鈞已則國亡君天下大更

鎮星犯建星

天文別錄曰鎮星犯建星主其國興土功以勞民百姓胥怨

古今星釋曰鎮星犯建星其國有流徙之民一曰天下民勞怨

太白犯建星

天文別錄曰太白犯建星其野有兵喪若經天及成

鈞已者人君惡之

古今星釋曰太白失度退行犯建星主人君失勢爲  
彊臣所制

大象旁通曰太白抵建星而奄之其國不有破軍必  
有屠城

辰星犯建星

天文別錄曰辰星犯建星其國有女喪若奄建星久  
而不去主大兵喪大人惡之

古今星釋曰辰星犯建星朝廷失紀綱一曰大臣

推

客星犯建星

天文別錄曰客星干犯建星主奸臣在位欲覆宗社  
一曰大臣懷貳以傾社稷人主惡之

古今星釋曰客星大如斗器色蒼白如粉絮犯建星  
其國有刺客入境

彗孛犯建星

天文別錄曰彗掃建星光芒可丈所共野有大臣不  
順王命一曰臣不臣

古今星釋曰星孛干建星主人君失勢其野亡君一  
曰除舊寘新則星孛干建一曰有革政

流星犯建星

天文別錄曰流星干犯建星主其野有逆上大臣以  
事被斥逐一曰建彗星流輔臣見逐

古今星釋曰流星抵觸建星主君下有匿謀犯上若  
色蒼白隱隱有聲如雷其野有失職大臣以事坐法

雲氣犯建星

天文別錄曰黑雲氣犯建星其野有生事人臣若黑  
氣如獸踐建星大兵暴起白雲氣如馬奔犯建星  
其野有兵變若白氣如兵器犯建星其國有死臣  
黃氣如蓋覆建星上朝廷專天下治

天洲星論

天淵星統占

五星犯天淵

客星犯天淵

彗孛犯天淵

流星犯天淵

雲氣犯天淵

天淵星統占

天文別錄曰天淵十星在鯨星東亦曰天池又曰天象在南斗一度

巫咸曰天泉十星一名天海在鯨星東主灌溉占曰火守大旱又水守大水

古今星釋曰天淵星明大出怒角洪水泛溢星移徙則天下大水漂泛城邑守常則吉

五星犯天淵

天文別錄曰歲星逆行犯天淵主洪水不時暴溢歲饑  
熒惑犯天淵天下大旱赤地千里饑民爲盜

古今星釋曰熒惑成鈞已犯淵星主江河爲陸地一  
曰熒惑抵天淵舟船在地太白經天入天淵天下  
有急兵辰星犯守天淵龍釜生魚

客星犯天淵

天文別錄曰客星犯天淵則江津不通舟楫阻又曰  
關津不通

古今星釋曰客星犯天淵守五十日不下者水寇起

兵一曰有兵亂

彗孛化天淵

天文別錄曰彗星出天淵則江河暴溢洪水入都市  
人君有憂

古今星釋曰星孛干天淵則天下有兵亂國憂水荒  
一曰江河淮濟有兵變

流星犯天淵

天文別錄曰流星抵觸天淵則有水賊通內姦爲亂  
國君有憂

大彗旁通曰流星蒼白色大如瓜犯天淵則天下兵

起一曰水官被點

雲氣犯天淵

天文別錄曰黑雲氣入犯淵則天下大水水赤雲氣出入天淵天下大旱人饑糶貴白雲氣入天淵有兵兵止無兵兵起黃雲氣往來于天淵上百川溢水官受天子賞賜或進秩以職事舉

天鷄星論

天鷄星統占

月五星犯天鷄

客星犯天鷄

彗孛犯天鷄

流星犯天鷄

雲氣犯天鷄

天鷄統占

天文別錄曰天鷄二星在牛西其東星入南斗二十一度主候時

甘德占曰天鷄二星黑在狗國北首時也占曰金火入則國兵起戩

天文志曰天鷄二星在狗國北主時候

古今星釋曰天鷄星在狗國北主謹候時節星貴明潤則四時序陰陽無失時之變星明大出怒角則兵起四方一星亡則內兵起二星俱亡則中外交兵大象旁通曰天鷄星移徙則天子兵盡行一曰政令

差則天鷄徒

月五星犯天鷄

天文別錄曰太白經天犯守天鷄其國逆四時之令  
民多疫癘憂感逆度守天鷄星則人君傷四時之  
氣國有大喪若成鈞已則尤甚亦曰兵起爲亂

客星犯天鷄

天文別錄曰客星犯天鷄其國有異政百姓怨嗟  
古今星辨曰客星逆天鷄其野有姦臣以兵叛國良  
民受禍

彗孛犯天鷄

天文別錄曰彗星如帚掃天鷄其國有內變一曰有  
改王

古今星釋曰星孛于天鷄其野有兵起掠民財以覆  
國祚

流星犯天鷄

天文別錄曰流星抵觸天鷄主外兵侵內國君憂兵  
若星流有聲如雷光芒若火炬奄天鷄不見者尤  
甚

雲氣犯天鷄

天文別錄曰黑雲氣犯天鷄主國君傷冬令歲多水

災青雲氣入天鷄主人君傷春令歲多饑糶貴民  
死赤雲氣入天鷄主人君傷夏令歲多旱亦主兵  
起黃雲氣出入天鷄上下往來回覆其國多喜事  
主四時之氣不傷主衆賢和于朝萬物和于野歲  
穰民悅豫

狗國星論

狗國星統占

五星犯狗國

客星犯狗國

彗孛犯狗國

流星犯狗國

雲氣犯狗國

狗國統占

天文列錄曰狗國四星在斗東共東北星入南斗一

十九度主北方烏栢檢

力 野切

狃

余 羊切

亦曰主外夷

甘德占曰狗國四星在天象東北主烏栢檢狃星明則邊城有兵起金大守則外夷變

天文志曰狗國四星在建星東南主鮮卑烏丸沃旦古今星擇曰狗國星主外夷亦主北方烏丸檢狃鮮卑沃旦之屬星不欲明明大則外夷寇邊一曰北夷寇塞星明大而出怒角則邊境有兵變若星疎拆則夷狄衰削星就聚則北夷盛彊以陵中國星移徙主北夷有內變一曰胡主死

大彖旁通曰狗國星貴微明而光澤不喜有芒角何  
國小不明則夷狄順命明大而數動搖則外夷交侵  
中國遣民大擾一曰獫狁猖獗

一行游儀後論曰狗國星主北狄五星犯守邊城陷  
北夷犯塞以毒遣民一星亡北方夷亡一國二星  
亡兩國棄祀三星亡則國有更王四星俱亡四夷  
諸國大亂一曰夷狄相攻以戕其國

五星犯狗國

天文志曰太白逆守狗國其國亂焚惑犯守狗國外  
夷爲變

古今星釋曰太白若經天犯守狗國其野起大兵以  
致變龍裝或成鈞已犯狗國其野有死君不然有  
屠城

大象旁通曰狗國中有鎮星守之其國大穰一曰鎮  
星守狗國兵彊國富若辰星守狗國其野有兵起  
客星犯狗國

天文志曰客星犯狗國有大盜若色白如粉絮則遠  
人不服邊民大擾

古今星釋曰客星大如椀守狗國中則外夷舉師寇

造一曰中國人君憂蒙

許新切

大象旁通曰客星大如斗器守徇國則邊城失守良  
氏受禍

彗星犯徇國

天文列錄曰彗星干犯徇國星則外夷有更王一日  
有革命若彗星出徇國芒角所指除舊實新

大象旁通曰星孛干徇國星主夷狄之君受禍不然  
外夷篡弑之禍

流星犯徇國

天文列錄曰流星干犯徇國星主中國出師問罪夷  
狄若星流而有聲如雷主北夷失利

古今星釋甲流星出狗國中其夷狄遠姦使入中國  
若色蒼白有聲隱然如雷主四夷交侵中國

雲氣犯狗國

天文別錄曰黃雲氣入狗國主外夷攸服順命中國  
黑雲氣入狗國主夷狄起兵以寇邊城青赤雲氣  
如臺如殿在狗國中外夷有自立侯王白雲氣如  
劍加狗國上主外夷寇邊以擾中土

河鼓星論

河鼓星統占

客星犯河鼓

彗孛犯河鼓

流星犯河鼓

雲氣化河鼓

河鼓星統占

天文別錄曰河鼓三星在牛星西北其大星入南斗  
二十度主軍鼓亦曰三將以備關津捍難也

石中曰河鼓三星赤在牛北主軍鼓天子三將軍也  
中大將南左將北右將以備關津拒難也占曰明  
則將軍吉動則兵動直則將有功曲則將失計星  
亡則大亂

天文志曰河鼓三星在牽牛北天鼓也主軍鼓主鈇  
鉞一曰三武主天子三將軍中夫大星左星爲左

將軍右星爲右將軍左南星也所以備關梁而拒難也設守險阻之謀也

古今星釋曰河鼓三星主軍鼓以備關津防守設險捍難也又主斧鑕亦曰三武爲天子之三將軍也星明潤則大將軍吉星暗則大將軍凶星踈圻則將軍失士卒心一曰三軍有離心亦曰有叛謀星就聚則三將軍挫兵叛主星移徙則三軍潰星直列則將有功曲則將失計星動搖天子兵盡行三星俱亡大將失利三軍大亂

客星犯河鼓

天文列錄曰客星犯河鼓星主有利客入軍營若色

蒼白則謀及大將

古今星釋曰客星干犯河鼓中央大星主大將軍有  
陰謀一曰不受制于天子亦曰大將擅君權以竊  
神器

彗星犯河鼓

天文列錄曰彗星如帚掃河鼓星主三將軍以失機  
被逐一曰大將軍以事露叛主

古今星釋曰星孛干河鼓主大將有陰謀以兵叛君  
一曰星孛河鼓以亂軍伍

流星犯河鼓

天文別錄曰流星干犯河鼓星主大將舉兵討逆若  
星流有聲不利主若大將出兵營野有流星抵河  
鼓中央大星主將宜班師不然見死將軍

古今星釋曰流星抵觸河鼓其國有死將一曰不有  
破軍必有屠城

中平中夏流星赤如火長三丈起河鼓入天市抵觸  
官星者色白長二三丈後尾再屈食頃乃滅狀似  
枉矢占曰枉矢流發其官射所謀矢當直而枉者  
操矢者邪枉人也中平六年大將軍何進謀盡誅

中官於省中殺進兩俱破滅天下由此大壞

雲氣犯河鼓

天文別錄曰黃氣如人捧河鼓中央大星主天子以功賞大將黑雲氣如人馬狀踐履河鼓星其野有潰兵亦曰戮將有白氣如兵器狀加河鼓上主有囚將有赤雲氣入河鼓主大將軍有大恐一曰軍營有大災

左右旗星論

左右旗星統占

客星犯左右旗

彗孛犯左右旗

流星犯左右旗

雲氣化左右旗

左右旗星統占

天文別錄曰左右旗九星在河鼓北其西北星入斗  
二十度右旗十星在河鼓西南其北星入斗一十  
七度半乃天之旗鼓所以爲旌表也

古今星釋曰右旗星赤石氏所著之星左旗星黑甘  
德所著之星左右旗夾河鼓皆天之旗鼓星明則  
吉暗則凶餘同河鼓

天大志曰左旗九星在牽牛北旗即天鼓之旗所以  
爲旌表也右旗十星在鼓左旁鼓欹正直而明色

黃光澤將吉不正爲兵怒也星怒角馬貴動則起

兵曲則將失勢奪計旗星突亂相陵

大象旁通曰左右一十九星皆天之旗鼓以爲三軍之旌表此其所以河鼓處左右旗之間也星明潤則吉星暗則凶

客星犯左右旗

天文別錄曰客星犯左右旗主將失勢爲士卒辱一曰客星抵旗士卒離

古今星釋曰客星抵左右旗色白如粉絮衆之及五十日以上其下大將以兵叛坐法亦主野死將軍

彗孛犯左右旗

天文別錄曰彗孛干犯左右旗中央星主大將軍死  
于兵犯左星主死右將軍犯右星主死右將軍若  
芒角俱奄三星主三軍大將亡

大象旁通曰星孛干左右旗中犯守河鼓共野闕梁  
不通外侮不能禦也

流星犯左右旗

天文別錄曰流星抵觸左右旗天子之兵盡行一曰  
大將失勢

古今星釋曰流星出左右旗其下有亂兵去國一曰

叛將

雲氣犯左右旗

天文別錄曰有黑雲氣如人馬形齊奔左右旗下其野有死將一曰有漬兵黃氣如纓左右旗下其下有受賞大將青赤氣繞左右旗其國饑民爲盜白雲氣出入左右旗其野有夫勢將軍

天桴星論

天桴星繞占

客星犯天桴

彗孛犯天桴

流星犯天桴

雲氣犯天桴

天桴星統占

天文別錄曰天桴四星在牛東南北列其南星入牛  
三度丰主桴鼓

巫咸占曰天桴四星黃在羅堰北主桴鼓星動則軍  
鼓用星暗則漏刻失候

天文志曰天桴四星南北列桴鼓也星不明漏刻失  
時前近河鼓若桴鼓相直皆爲桴鼓用

古今星釋曰天桴星主三軍之鼓桴也星明濶則天  
下偃武星暗則漏刻失時氣候不序星動搖則軍  
鼓用天桴星移徙主天下有急兵

客星犯天桴

天文別錄曰客星犯天桴主軍鼓柝一曰客抵天桴

軍鼓俱無

謂軍行不利以柝軍鼓

古今星釋曰客星犯天桴抵觸而客星不見主將帥棄桴鼓

彗孛犯天桴

天文別錄曰彗星掃天桴主大將以兵叛國一曰不有叛軍必有亡國

古今星釋曰彗孛天桴中其野有暴死主將一曰將死以兵

流星犯天桴

天文別錄曰流星犯天桴主其野有大盜亦曰有急兵又曰不利主師

古今星釋曰流星抵觸天桴隆隆有聲如雷散若珠墜主國有禁兵統將爲亂

雲氣犯天桴

天文別錄曰黑雲氣干犯天桴漏刻失候若黑氣如山嶽狀在天桴上下其國有兵起若有白氣如劍其野有兵喪白氣如人抱天桴主野將壞國

九坎星論

九坎星統占

客星犯九坎

彗孛犯九坎

流星犯九坎

雲氣犯九坎

九坎統占

天文別錄曰九坎九星在南斗南共西南星入斗二十四度主溝渠以導泉源

石中占曰九坎九星赤在天田南主溝渠以導泉源  
疏瀉盈溢占曰星明則水災不明則吉

天文志曰九坎九星在牽牛南坎溝渠也所以導達  
泉源疏瀉盈溢通溝洫也

古今星釋曰九坎星在天田南乃石申所辨也或有者必謂在南斗南一坎謂天田南二者之論皆南也亦各有其遠近尔石申以謂在天田南取共近者言之也星貴微而不喜明大星微則吉星明大則天下有大水患傷禾稼溺民舍糴責人饑

大象旁通曰九坎星主水利亦疎通溝洫以瀉暴溢也星細小則害其國無水災星無芒角其野大勞民田歲歉民流亡

客星犯九坎

天文別錄曰客星犯九坎主溝洫暴溺城邑行舟一

曰暴水入城市

古今星釋曰客星大如抃守九坎其野有百川溢陷城邑毀宗廟千里魚行

彗孛犯九坎

天文別錄曰彗孛犯九坎其野有大水一曰人君憂水災天下之民操食爲盜以覆宗社

古今星釋曰星孛九坎主水毀都市一曰人君憂水百姓死水

流星犯九坎

天文別錄曰流星抵觸九坎星主其國有洪水泛溢

民舍一曰流星抵九坎則市井行舟

古今星釋曰流星出九坎其國有水死之民一曰水傷五穀歲歉民亡

雲氣犯九坎

天文別錄曰黑雲氣出入九坎其國河失隄防漂泛民舍百姓不聊生黃雲氣如人形扶九坎星其國大穰蒼白雲氣入九坎其國有溺民赤雲氣如兵器在九坎主其國大旱野無立苗

天田星論

天田星統占

客星犯天田

彗孛犯天田

流星犯天田

雲氣犯天田

天田統占

天文別錄曰九星在牛南其西北星入斗二十四度

主畿內之田與天甸同占

甘德占曰天田九星在牛南畿內之田占與天甸同

古今星釋曰天田主王者畿內田也星明則歲豐國

富星暗則水旱傷禾稼王畿之民大饑畿內白骨

籍籍星疎圻糴責十倍一星亡則主大水三星亡

主大旱九星俱亡則大欺人相食星傳以爲天田

漢人坎骨者也

客星犯天田

天文別錄曰客星蒼白色大如五升器乘守天田則  
王畿轉粟一曰百姓勞怨糶十倍責

古今星釋曰客星乘守天田留三十日不下者天下  
大荒人相食餓莩相枕若亂麻

彗孛犯天田

天文別錄曰彗星干犯天田則天子憂歲饑王畿多  
餓莩

天文總論曰彗孛星出天田尾掃星不見則天子自

將兵畿甸大擾

流星犯天田

天文別錄曰流星犯天田則夷狄遣使入畿甸境一曰外國遣使貸粟入境

古今星釋曰流星出天田抵它舍天子遣使受命出疆

雲氣犯天田

天文別錄曰蒼白雲犯天田則王畿兵起一曰王畿之內破軍殺將若有黑雲氣如人馬狀入天田中則外夷入寇中土畿甸大擾

羅堰星論

羅堰星統占

客星化羅堰

彗孛化羅堰

流星化羅堰

雲氣化羅堰

羅堰統占

天文列錄曰羅堰三星在牽牛東共北星入牛五度  
天文志曰羅堰三星在牽牛東距馬也以塵畜水潦  
灌漑渠也

古今星釋曰羅堰星在牽牛東主水利亦曰距馬將  
偃水以待灌漑也星貴小明不喜明大明大有芒

角為失常星踈圻江河失隄防一曰工河決其國有水荒

大衆旁通曰羅堰星主壅畜水潦以待䟽決也星明

大而數動搖其野有暴水入井市一曰舟通市井

客星化羅堰

天文別錄曰客星化羅堰星其野有水暴至灌沒民

田百姓流離散徙一曰人君有憂

古今星釋曰客星化羅堰星若色白如粉絮守之五

十日不去其國江河暴入井邑入井邑一曰有水

寇為亂

彗孛犯羅堰

天文別錄曰彗星犯羅堰星有暴水入宗廟一曰其國有水災

古今星釋曰星孛羅堰星中共國有水恐一曰有水寇爲亂

流星犯羅堰

天文別錄曰流星犯羅堰星有暴水江河百川漲溢一曰江河暴決國有水災

古今星釋曰流星抵觸羅堰星有水賊入國境一曰有賊水暴至賊水謂暴水也其國民受禍

雲氣犯羅堰

天文別錄曰黑雲犯羅堰國有水荒白雲氣如劍戟狀在羅堰中有大寇掾水爲亂黃雲氣如樓閣狀在羅堰上下主國有喜一曰水利興青氣入之主國儉

瓠瓜星論

瓠瓜星統占

客星犯瓠瓜

莖孛犯瓠瓜

流星犯瓠瓜

雲氣犯瓠瓜

瓠瓜統占

天文列錄曰：執瓜五星在牽牛北，共西背星入牛七度。石申占曰：執瓜五星赤在離珠北，主果園。星明則熟，客星入魚鹽貴。

天文志曰：執瓜五星在離珠北，主陰謀。主後宮主果實。星明則歲熟，星微則歲惡。后妃失勢，非其故星動搖，則山谷多水。

古今星釋曰：執瓜星主果實魚鹽之類，亦主後宮。星明潤而光澤，則後宮有喜；一曰果實大熟，星暗則機謹必至。星疎拆，則後宮有陰謀。星就聚，則有女主干政。五星俱亡，則后妃失勢；一曰歲歉，人民亡。

人相食

大象旁通曰執瓜星出怒角其國有內憂一曰填御  
有坐法者若星光浮而數動搖百川溢山谷多水  
民饑

客星犯執瓜

天文列錄曰客星守執瓜星後宮有進美女者一曰  
後宮爭寵

古今星釋曰客星抵池瓜其國有饑民若星色如粉  
絮及大如五升者後宮有失勢者一曰魚鹽暴貴  
望孛犯執瓜

天文別錄曰彗星如帚掃匏瓜其國有廢后一曰后妃有憂

古今星釋曰星孛匏瓜中其國大荒魚鹽倍責國憂  
民流亡

流星犯匏瓜

天文別錄曰流星犯匏瓜其國民有菜色一曰五穀不過民口一曰民不粒食人相食

古今星釋曰流星出匏瓜主御廩乏糧一曰民多菜色  
雲氣犯匏瓜

天文別錄曰黑雲氣干犯匏瓜後宮有匿謀白雲氣

入艸瓜後宮起兵黃雲氣出艸瓜後宮有子孫喜  
青雲氣入艸瓜國大饑赤雲氣入艸瓜後宮有大  
災